




京師坊巷志

ル 5
3237
2





門 儿 5
3237
卷 2



京師坊巷志卷三

義烏朱一新
江陰繆荃孫
吳興劉承幹重訂

宣武門大街

宣武門俗沿元稱曰順承門北有坊曰瞻雲井二鑲
藍旗蒙古都統署在西右翼宗學舊在瞻雲坊北今
移絨綫衙

嘯亭續錄貝子穆爾祐宅在宣武門內 謹案穆

爾祐 太祖曾孫安平貝勒杜度次子順治

閒以鎮國將軍累功晉貝子後以罪除子降襲

京師坊巷志卷三

一求恕齋

昭和十八年
六月六日
購

析津志窮漢市一在順承門裏草塔兒慶元樓在順承門內街西麗春樓在順承門內與慶元樓相對乃巴延太師之府第也朝元樓在順承門內近石橋慶元樓北 案今俱無考 元仁宗紀皇慶五年十月建帝師帕克斯巴殿於大興教寺六年三月賜寺僧齋食鈔二萬錠 英宗紀至治二年十月建太祖神御殿於興教寺 成宗紀大德五年二月賜興教寺地百頃 舊聞考元大都圖冊云寺在順承門內街西佛會甲於京師明一統志已無此寺殆久廢矣 坊巷衚衕集阜財坊四牌

二十鋪過象房橋有王恭廠燕山左衛真如寺承恩寺圓洪寺保安寺望鄉臺 案望鄉臺今無考餘俱見後

宣武門內西城根 井一

有象房橋西溝沿水由此出水關入護城河 嚙亭續錄貝子準達宅在宣武門西城根貝子蘇努宅在象房又年大將軍羹堯 賜第在宣武門內右隅額書邦家之光 謹案準達 太祖四世孫貝勒杜爾祐子坐事降鎮國公諡溫恪蘇努 太祖四世孫雍正時黜屬籍 明李日

華璽召錄四月十日覓得邸舍在順承門內象房
西 長安客話象房在宣武門西城牆北每歲六
月初伏官校用旗鼓迎象出宣武門濠內洗濯
野獲編象初至京先於射所演習故謂之演象所
而錦衣衛自有馴象所專管象奴及象隻特命錦
衣指揮一員提督之凡大朝會役象甚多常朝則
止用六隻所受祿秩俱視武弁有等差人有入觀
者能以鼻作罽栗銅鼓聲觀者持錢畀象奴如教
獻技又必斜睨象奴受錢滿數而後昂鼻俯首鳴
鳴出聲將病耳中先有油出名曰山性發則預以

巨縷縻繫之斃管象房緹帥申報兵部上疏得旨
始命再驗發光祿寺 案象房今隸鑾儀衛 萬
厯沈志巡鹽察院在順承門西 案明察院久廢

抄手衙衙 井一

西溝沿

西溝沿詳西城

頭髮衙衙 橋一

鑲紅旗官學在北有眞如寺

燕都游覽志眞如寺在元季爲定力院南向今之
象房是其山門蓋象房初設於報國古松之畔以

隔城致稽赴闕乃制定力院爲駐象所

小麻綫衚衕

承恩寺街

德功橋亦稱承恩橋鑲紅旗覺羅學在北有承恩寺

萬厯沈志巡倉察院在承恩寺前 案今廢 趙

吉士寄園寄所寄王恭厥災時承恩寺街有女轎

八乘經過女子轎夫都不見有州吏目弟在街與

相識六人拜揖未完頭忽飛去其六人竟無恙

頓房衚衕

光采衚衕 在五四里關十三里半與顯本寺人會

太平街 在顯本寺北自單如門東

杜文端自訂年譜丙戌遷居太平街典韓桂船司

寇之宅宅之東闢小圃扁以杜陵花竹寄余鄉土

之思又東則書屋扁以嘉樹草堂課兩孫讀其中

温家街

前後王恭厥 井一

采訪冊德公第在後王恭厥北 蕪史王恭厥掌

厥太監一員管營造錢糧與盔甲厥同署在都城

西南隅天啟五年六月忽大震拔大樹二十餘株

根在上而梢在下近廠房屋傾倒木在上而瓦在下殺數千人乃改卜於西直街北建廠賜名曰安民其王恭廠舊址兵部尚書馮嘉會改爲戎政署明趙維寰雪廬焚餘稿天啟丙寅五月六日王恭廠忽震裂響若轟雷平地陷二阮約長三十步闊五十餘步深二丈許明沈國元兩朝從信錄時塌屋一萬九百三十間壓死男女五百三十七人吳偉業綏寇紀略自順承門大街北至刑部街盡爲齧粉劉侗帝京景物略北自阜成門東次至刑部街互四里闊十三里宇坍塌地塌木石人禽

自天雨而下案諸書紀王恭廠災事甚夥今取其涉坊巷者明水軒日記工部又有五小廠曰營繕所木工也曰寶源局金工也曰文思院曰王恭廠俱絲工也曰皮作局革工也天問閣集申佳胤北直永平人甲申三月十九日聞變仰天號哭謂僕曰往吾拜客時顧得僻處可隨行至王恭廠見有井疾趨投之倉卒僕挽袖袖絕遂死

永寧衲衻

橋一

圓洪寺街

舊有圓洪寺今廢

寄園寄所寄王恭廠災宣府楊總兵行至圓洪寺街隨行七人連人馬俱陷入地

豬尾阮亦稱豬尾街

石鐙庵

地以庵名舊為吉祥寺寺今圯有貞觀二十三年造經幢

象來街

箭杆街

陶家街

饅子街

水仙庵

草廠

迤西抵城隅曰教廠

茄子街

西小街曰茄柄街

四眼井井一

太平湖

城隅積潦瀦為湖由角樓北水關入護城河橋二一在湖北一在西南隅迤北曰龍王堂

嘯亭續錄貝勒喀爾楚璉宅在太平湖今為榮親

王府 謹案喀爾楚琿一作哈爾出洪 太

祖曾孫克勤郡王岳託三子以功封諡顯榮榮王

諱永琪 高宗五子諡曰純今為醇親王府

王為 宣宗七子世襲 陳文述頤道堂詩

選孫古雲雲繪園詩為同查伯揆作自注園在宣

武門內太平湖之西時海昌查伯揆廣陵朱素人

丹徒嚴麗生同在賓館

槐抱椿庵 井一

寺前冊觀音庵在西南隅槐抱椿庵街係舊刹無
碑碣可考其南為祇園禪林前後相屬

小護國寺 天山顯明教旨劉題二平庵設一文思崇

老萊街 井二

嘯亭續錄貝子薩弼宅在老萊街 謹案薩弼

太祖曾孫安平貝勒杜度七子諡懷愍

中街

西太平街

東街井一橋一西街井一

扁擔衙

鮑家街 井一

采訪冊榮公第在鮑家街北 謹案貝勒芬古

顯祖孫莊親王舒爾哈齊八子以功封今公
其後裔也

前後百戶廟

永泉寺俗稱百戶廟復訛白虎井一

狗尾衚衕

取鐙衚衕

南鬧市口

迤北為四道口又北為半截碑其南接天仙庵

天仙庵

寺院冊天仙廟明建有隆慶二年銅鐘一又明崇

禎閱重修碑

羅圈衚衕

東西石駙馬大街 井二

鑲紅旗滿洲蒙古漢軍都統署俱在北

嘯亭續錄公諾尼宅在石駙馬大街 采訪冊克

勤郡王府在街北 謹案王諱岳託 太祖

孫禮烈親王長子崇德元年封成親王屢以罪降

至貝子五年復封貝勒追封克勤郡王世襲諾尼

其分支今慶公第是也 明金日升頌天臚筆王

恭廠震之日石駙馬街有石獅重五千觔飛出順

承門外 寄園寄所寄嘉靖中京師大盜朱國臣
居堂子衚衕其黨數十人官莫敢詰一夜怒答其
妻妻逸告夜巡把總禽獲十人下法司俱服國臣
自言石駙馬街周皇親之殺乃我也而坐使女蕭
荷花凌遲家人斬豈不冤乎於是法司追問治荷
花獄者免侍郎翁大立爲民謫郎中徐一忠於外
都統署夾道

通條衚衕

臭水河

或作楸
樹河

嘯亭續錄貝子特爾祐宅在臭水河 謹案特爾

祐 太祖曾孫貝勒杜度三子諡恪僖

石駙馬後宅

有武烈橋

回子營

東中西鐵匠衚衕

東衚衕橋一迤東抵大街俗稱穿堂門井一中西
衚衕井各一

嘯亭續錄敬謹親王府在東鐵匠衚衕 謹案王
諱尼堪 太祖孫廣略貝勒褚英三子順治

六年授定西大將軍九年授定遠大將軍征明桂

王戰歿於衡州追謚莊今爲桂公第

鐵箭營

口袋衚衕

手帕衚衕井一

姚斌廟

察院衚衕井一

有文盛橋俗訛温成橋 案萬厯沈志有巡關察

院在西城此或其遺趾歟

保安寺街

有保安寺

明世宗實錄嘉靖二年五月以江彬錢寧入官房

及故保安寺爲燕山府軍等衛凡十五所 案坊

巷衚衕集阜財坊有燕山左衛以實錄所言核之

其遺趾當在今保安寺街集又言燕山左衛在安

富坊蓋其始置之地也嘉靖後移置於此

安達公街亦作諧達諧達
蒙古語火伴也

櫻帽頭條二條三條四條衚衕

二條衚衕井一

炕沿井

都土地廟

柳樹井 井一

筆管衙衙

褲子衙衙 井一

正子衙衙 井一

談孺木金陵對泣錄崇禎帝后移東華門席舍武

選主事大足劉養貞日侍側哀毀被執至李友家

友據正字衙衙許錦衣宅 案正字疑卽正子

報子街 報或作泡亦作
豹井二橋一

鑲紅旗護軍統領署在南

右在宣武門西其北與西城界

丙城中城

城冊內城地隄隸中城者中西坊自皇城外東至

王府街迄北與東城界南至東長安街與南城界北

至兵馬司衙衙帽兒衙衙與北城界中東坊自皇城

城外南至西長安街與南城界西至大市街與西城

界北至護國寺街定府街迄東逾十刹海抵地安門

橋與北城界

王府大街

元名丁字街見析津志明建十王邸於此稱王府街

井二兵部所屬會同館在東掌驛政明初燕臺驛故

址也

嘯亭續錄饒餘親王廉親王府俱在王府大街

案互詳南城 析津志菜市一在哈達門丁字街

案今王府街旁有菜廠衙疑沿元舊稱也

明成祖實錄永樂十五年六月於東安門下東南

建十王邸通爲屋八千三百五十楹 宣宗實錄

宣德三年四月新作公主府三所於諸王邸之南

燕都游覽志烏蠻市在王府街會同館 明會

典會同館永樂初設三年併烏蠻市入本館 案

烏蠻市久廢又金源之制會同館來寧館在宣陽

門內見周輝北轅錄燕山館燕賓館見范成大石

湖集永平館在府南一里一名碣石館遼朝土宴

集之所見明一統志其遺址皆當在南城外今不

可考矣 析津志保大坊在樞府北 坊巷衙衙

集保大坊四鋪有府軍前衛左衛羽林左衛右衛

金吾左衛前衛後衛虎賁左衛迎禧觀捨飯旛竿

寺 萬厯沈志有眞武廟 案羽林右衛明一統

志在明時坊今諸衛及眞武廟俱廢迎禧觀在王

府街旛竿寺見後餘無考 查慎行人海記李文

達賢賜第在王府街 明北平圖經志書武成王

廟在保大坊都指揮使司之西 元祭祀志武成
王立廟於樞密院公堂之西以孫武張良管仲樂
毅諸葛亮以下十人從祀歲春秋仲月上戊樞密
院遣官行禮 案廟址今無考析津志言柴炭市
集市一在樞密院今亦無考

東安門外南夾道

關帝廟北井一

霞公府

卽理藩院後衙節孝祠在北

空府夾道

溫郡王府俗稱空府

理藩院東夾道

大小紗帽衙

八旗通志作草帽小衙衙井一東北曰臭水院

口袋衙

梯子衙

小甜水井 井一

有鎮海慈谿會館

康家衙

大甜水井 井一

采訪冊倫貝子第在大甜水井北 謹案貝子爲

宣宗長子隱志郡王諱奕緯之子

大小阮府衙衙

正藍旗覺羅學在大阮府衙衙

菜廠衙衙

小衙衙曰南灣子

嘯亭續錄公韜塞宅在菜廠衙衙 謹案韜塞

太宗十子初封鎮國將軍康熙八年晉輔國
公 蕪史南海子總督太監一員東安門外有菜
廠其在京之外署也掌壽鹿獐兔菜蔬西瓜果子

凡收選內官於禮部大堂同司禮監監官選定由
部之後門到廠次晨點入東安門赴內官監細選
無違礙者方給烏木牌候收畢詣萬歲山撥散

東安門外大街

亦稱丁字街井三五聖庵井一官馬圈井一南小衙
衙井一北小衙衙曰老虎洞井一

明史衍聖公傳仁宗踐祚孔彥縉來朝賜宅東安
門外 明宋端儀立齋閒錄永樂二十二年十一
月賜衍聖公孔彥縉宅於京師彥縉數來朝皆館
於民家上聞之顧近臣曰四夷朝貢之使皆有公

館先聖子孫乃寓宿於民家何以稱崇儒之意遂命工部賜宅 案今宅在太僕寺街乃明英宗所賜其仁宗所賜者據闕里文獻考云在東安門北遺址無考 明景帝實錄景泰三年八月改造四夷館先是譯書子弟俱於東安門外廊房肄業至是提督譯書郎中劉文等請建館於廊房南隙地從之 案明四夷館見前

東安門外北夾道

內務府武備院所屬亮鐵作染氈作俱在東

錫蠟衙衙

內務府武備院所屬帽作在南

丹魁堂年譜道光三十年庚戌十一月徙東安門

外錫蠟衙衙

扁擔衙衙

燒酒衙衙 井一

豐順衙衙

母豬衙衙

灌腸衙衙

嫻子府

南大院井一花園井一迤北曰關東店

嘯亭續錄公弘昇宅在嬭子府 謹案弘昇

聖祖孫恆親王允祺世子雍正五年諡恭恪今

為惠王府王諱綿愉 仁宗五子咸豐三年

授奉命大將軍諡曰端 明呂忠宮史禮儀房署

在都府草場之東提督太監一員掌印或秉筆攝

之掌選婚吉禮每年四仲月選乳婦生男十口生

女十口月給食料在嬭子府居住及報生皇子則

用生女嬭口皇女則用生男嬭口 明沈榜宛署

雜記嬭子府隸錦衣衛其制每季精選各里良家

婦年十五以上二十以下四十名養之內曰坐季

嬭口別選八十名籍於官曰點卯嬭口季終則更
之後來夙戒嬭口多不稱旨臨時多別選城市婦
人以應有雇值之費打點之費上納之費而嬭子
遂為奇貨幸一見留則終其身事所乳得沾恩澤
無復出理其食報特隆云

黃土院

大小草場衙場或作廠

大衙衙井一

明宮史中府草場即舊都府草場在東安門外嬭
子街永樂初勅收御馬草場云是勝國都督府故

名天啟六年舊都府草場火魏忠賢督率內外官員軍士救撲三日乃熄

東廠衙衙井一

明宮史東廠永樂十八年置其外署在東安門外迤北其內署在東上北門之北街東混堂之南

菽園雜記京師東廠者掌巡邏兵校之地也弘治癸丑五月忽風大作地陷約深二三丈廣亦如之

天咫偶聞沈文定公桂芬故宅在東廠衙衙

大平衙衙

黃麩衙衙

口袋衙衙

翠花衙衙井二

花枝營

雙碾衙衙碾或作輦入旗通志誤作塔井一

有捨飯旛竿寺興福禪林

明于慎行穀城山房筆塵唐時禁京城丐者分置

病坊於諸寺以廩之亦謂之卑田院卽今蠟燭旛

竿二寺也案蠟燭寺見西域元袁桶清容居

士集興福院在都城保大坊北案今無考

弓弦衙衙井一

萬厯沈志延禧寺迎禧觀俱有敕建碑在明照坊

案寺在弓弦衙衙據坊巷衙衙集弓弦衙衙隸

保大坊萬厯沈志作明照坊其後或有改井也延

禧觀見前

牛排子衙衙

麟慶鴻雪因緣圖說半畝園在弓弦衙衙內本賈

中丞漢復宅李笠翁客賈幕時為葺新園壘石成

山引水作沼平臺曲室奧如曠如乾隆初楊韓葺

員外得之又歸春馥園觀察道光辛丑始歸於余

黃米衙衙

瞭果廠俗訛亮穀

蕪史天壽山守備太監一員轄十二陵歲進松花

黃連茶核桃榛栗等各陵皆有瞭果廠在京

大覺小覺衙衙覺或作脚

迤北為鄒家大院王家大院

大小取鐙衙衙井二

嘯亭續錄貝子弘昉宅在取鐙衙衙 謹案貝子

聖祖孫誠親王允祕後以事削爵善書畫

自署瑤華道人其宅後為恭勤貝勒弘明所居貝

勒 聖祖孫恂勤郡王允禩之子諡恭勤今

輔國公載森其後人也

鐵匠營

草廠衙衙

明一統志崇眞萬壽宮在府南蓬萊坊元至正中
建翰林學士王構爲記眞人張留孫吳全節相繼
居此俗名天師庵 日下舊聞天師庵據坊巷衙
衙集在草廠眉掠衙衙與惠民藥局連敘今藥局
遺趾尙存則天師庵疑與相近 明宮史御馬監
所轄有天師庵草場舊都府草場天師庵草場在
皇城外東北角正統間以張天師舊處改建故名

有井甘冽可用不減十王府街之井也 析津志
杜康廟在舊城光祿寺內西偏內有天師宮禮部
標撥道士一人提點看經傳專一焚修香火蓋爲
醞造御酒每日於上位至押槽內支酒一瓶以供
杜康提點者自行收貯 舊聞考元崇眞萬壽宮
俗名天師庵亦曰天師宮明圖經志書云在蓬萊
坊相傳今顯佑宮及步軍統領衙門卽其地此所
稱光祿寺內之杜康廟天師宮以析津志所載北
城道里計之一云樞密院西爲玉山館館西北爲
蓬萊坊天師宮又云樞密院南轉西爲宣徽院院

南轉西爲光祿寺酒坊橋其方位似亦相合 案
顯佑宮步軍統領衙門俱在帽兒衚衕其地去此
稍遠俗語流傳疑未足據

小蘇州衚衕

寬街

宸垣識略一等果毅繼勇公第在寬街 案弘毅
公額亦都及其子果毅公圖爾格皆開國勳臣也
後併爲果毅繼勇公其 賜第相傳爲明璫杜衡
宅今公寶全前官散秩大臣 坊巷衚衕集昭回
坊靖恭坊在北安門東共十四鋪有圓恩寺福祥

寺綵衣寺

案圓恩寺見北城萬厯沈志云在昭

回坊福祥寺綵衣寺俱見後又有慈善寺今圯

地安門外東城根

井一

有東步糧橋宛平王志步作部

采訪冊澤公府在北皇城根 案公以惠端親王

友子推封

炒豆衚衕

井一

采訪冊博多勒噶台親王府在安定門內炒豆衕
衕 謹案科爾沁郡王索特那木多布齊尙

仁宗三女莊敬公主追贈親王銜其子博多勒

噶台親王僧格林沁咸豐時以勦賊功食雙親王

俸諡曰忠配享

太廟今王伯彥訥謨祜嗣

府為忠王所建非公主 賜第也

板廠衙衙

棉花衙衙 井一

雨兒衙衙 雨或作魚

值年旗衙門在北

嘯亭續錄公布舒宅在雨兒衙衙 謹案布舒

太宗第四子康熙八年封輔國公

蓑衣衙衙

坊巷衙衙集有蓑衣寺其遺址疑當在此蓑蓋蓑之訛地以寺名也

福祥寺衙衙

有福祥寺

萬麻沈志寺在靖恭坊有敕建碑

馬尾斜街

楞棒衙衙

兵將局衙衙 井一

叉子衙衙

地安門外大街 井一

地安橋俗稱大橋舊爲萬寧橋橋南屬中城北屬北
城橋下爲響闌元之澄清閘也亦稱越橋下閘迤西
有石小橋一火神廟在橋西瀕十刹海唐貞觀時火
德眞君廟遺趾廟前井一北有大覺寺俱屬北城
茶餘客話高安朱文端公軾丙辰 賜第地安門
外 胡承珙求是堂詩集己巳四月寓地安門外
一室客言此宅前臺灣道永福所居林爽文之變
永被逮妻張氏與訣泣解其夫所佩刀及帶一條
曰君此去得生幸甚脫不幸請以此殉後永論絞
西市獄成張遂以是日縊於所居卽此室也 坊

巷衢衢集日中坊在北安門西二十二鋪 元一
統志自至元三十年後通惠河成遂建澄清閘於
海子之東有橋南直御園 納蘭成德淶水亭雜
識元時海子岸有萬春園進士登第恩榮宴後會
同年於此宋顯夫詩所云臨水亭臺似曲江也
舊聞考其地當近火神廟後亭

右在地安門街東王府街西東長安街北與南

城東城北城界

隸中
西坊

皇城西城根

井二

春明夢餘錄古雲山房米太僕萬鍾之居也太僕

好奇石蓄置其中令閩人吳文仲繪爲一卷董思
白李本寧爲之跋尾 燕都游覽志湛園在米仲
詔宅左其自敘曰歲丁酉居長安之苑西爲園曰
湛有石文齋石林仙籟館茶寮書畫船繡佛居竹
渚敲雲亭曲水繞亭可以流觴卽以灌竹竹外轉
而松關又轉而花徑則飲光樓在望眾香國蓋其
下也別徑十數級可以達臺是爲猗臺俯瞰蔬圃
米萬鍾勺園集自題湛園詩主人心本湛以湛
名其園有時成坐隱爲客開清樽閒雲歸竹渚落
日深松門登臺候山月流輝如晤言 燕都游覽

志袁伯修寓近西長安門有小亭曰抱甕伯修所
自名也亭外多花木隙地皆種蔬宛似村莊小奴負
甕注水日夜不休 案湛園抱甕亭遺址皆無考
王府東夾道

迤東曰段家院

荷包巷

錢棹衚衕

甘井衚衕

李閣老衚衕

大悲寺俗稱高麗廟碑已泐

長安客話李文正東陽賜第在灰厰小巷李閣老
衡衡 帝京景物略李文正祠近皇城迤西孝宗
賜第也第久析爲民居嘉靖乙酉麻城耿定向首
議贖還爲公祠傳雙履履二寸許絆繫之一麤紵
小衫公舉奇童時著以見景帝者耿爲具篋撰文
鏤篋蓋藏之祠 舊聞考祠久廢中有耿氏房圍
雖頽圯地甚寬敞應卽其遺址 案法式善存素
堂文集引彭元瑞之言謂李閣老衡衡由李賢賜
第得名疑未足據互詳北城

灰厰井一

春明夢餘錄初燕邸因元故宮卽今之西苑開朝
門於前元人重佛朝門外有大慈恩寺卽今之射
所東爲灰厰中有夾道故皇牆西南一角獨缺至
永樂十五年改建皇城於東去舊宮可一里許
湧幢小品旣遷大內東華門之外逼近民居喧囂
之聲至徹禁籟宣德七年始加恢擴移東華門於
河東遷民居於灰厰西隙地

羅圈衡衡

煙筒衡衡

新豐衡衡

松樹衙衙

三府衙衙

新開路

大小東嶽衙衙井各

秀女衙衙

前後王爺廟

大悲寺 國初鄭親王建俗稱王爺廟有徐乾學

碑八旗通志誤作岱北寺

西夾道

官馬市市或作司

八旗通志作官磨房

大柵欄

有觀音寺圓通觀迤西有鄭王府所置義塾俗亦

稱官學

馬館

演象所

湧幢小品嘉靖初廢大慈恩寺從錦衣衛之請卽其地改爲射所上以金鼓聲徹大內擬改建元明宮別以大興隆地爲射所都督陸炳言大興隆地亦逼禁城惟安定門外有廢官廳宜將宣武門外

民兵教場移此而移射所於民兵教場射所舊地
改爲演象所得旨允行 野獲編今京城內西長
安街射所亦名演象所故大慈恩寺也嘉靖間毀
於火後詔遂廢之爲點視軍士及演馬教射之地
象以非時來偶一演之耳 案大慈恩寺卽雙塔
寺 甲申傳信錄三月十九日城陷內閣大學士
范景文至演象所聞賊已入宮或言駕崩或言南
巡歎曰不知聖駕所在惟一死以報陛下耳步至
夾巷後投井死井在龍泉庵之南無名氏甲申小
紀景文賦詩二章潛赴龍泉庵古井死

寬街

鑲藍旗漢軍都統署在焉迤西爲菜園
燕都游覽志朝爽樓在雙塔寺後呂氏園中樓也
舊聞考今寺後有名菜園者或卽呂氏園歟
頭條二條三條衚衕

二條衚衕井一

油坊衚衕

前後吳公衚衕

八旗通志作蜈蚣街

石虎衚衕 井一

董心葵事記延陵會館在石虎衙衙後周延儒居之
嘯亭續錄公敬文宅貝子縣德宅俱在石虎衙衙
謹案縣德高宗孫定安親王諱永璜子今爲毓公宅
嘯亭續錄裘文達曰修第在石虎衙衙錢大昕潛研堂集題裘漫士少宰苑東寓直圖趨臺西畔有新廬履道坊南宅不如應爲城居少花竹天教銷夏此閒居自注公賜第在長安右門西畢昇山年譜甲申寓石虎街裘文達公第宸垣識略二等敦惠伯第在石虎衙衙案康熙時大學士馬齊封敦惠伯

大小秤鈞衙衙

八旗通志作正溝

堂子衙衙

餽子衙衙

嘯亭續錄公巴圖堪宅在餽子衙衙

堪亦作巴爾堪

顯祖曾孫鄭親王濟爾哈朗四子以功封輔國將軍雍正元年追封輔國公

諡武襄

狗尾衙衙

茶葉衙衙

興隆街

井一

嘯亭續錄公德普宅在興隆街 謹案德普

顯祖五世孫贈簡親王福存子康熙時降襲鎮

國公

太僕寺街

井二

鑲藍旗蒙古都統署在北西有衍聖公第

明史衍聖公傳英宗復辟孔弘緒入賀朝見便殿

帝握其手置膝上語良久弘緒纔十歲進止有儀

帝甚悅每歲入賀聖壽帝聞其賜第湫隘以大第

大易之 案衍聖公第舊在東安門外今第在太僕

寺街者卽明英宗所賜 阮元擘經室四集己未

借寓京師衍聖公邸曾栽竹三叢藤花兩本庚午

再寓添栽槐柳桃海棠欒枝丁香并舊有古槐榆

椿棗共三十餘株記以一律授之館人 陳文述

頤道堂詩集重至太僕寺街舊寓飛鴻蹤跡又重

來疲馬衝泥太僕街澹墨尙留曾畫壁苦吟猶認

舊書齋 明一統志太僕寺在萬寶坊主簿廳附

焉 春明夢餘錄太僕寺乃元兵部舊署 楊士

聰玉堂薈記太僕寺石刻畫馬二一史道碩畫一

趙孟頫畫皆王世貞官太僕時摹勒道碩五代時

人舊聞考兵部夾道今仍稱太僕寺衙衛卽舊署址也案萬寶坊元舊名據元一統志在大內前右千步廊坊門在西明五軍都督府所屬彭城衛在萬寶坊見明一統志今太僕署雍正三年移建正陽門東城根查氏烈女編崇禎甲申三月十七日太僕寺街查氏一門九女子投繯死十九日流賊破城入其室顏如生賊曰僞死也引刀試之駭而去是日繩絕二女復蘇一度爲尼一壽終陳儀子翮集七烈者查氏三女子兩娣姒一黃氏女子一廉氏母皆以明甲申三月城破之前一

日致命於查氏之廬者也案姜宸英西溟集亦有傳杭世駿道古堂集有宛平查氏七烈詩背陰衙衛

嘯亭續錄貝子傅喇塔宅在背陰衙衛謹案貝子顯祖曾孫貝勒芬古四子以功封諡惠獻乾隆間孫德需襲簡親王贈如其爵今爲奎公宅

心尖衙衛

口袋衙衛井一

牛角衙衛

擔杖衲衲

細米衲衲

嘯亭續錄公門度宅在細米衲衲 謹案門度

顯祖四世孫貝勒尙善子康熙七年封鎮國

公後以事再削

西安門外南夾道 井一

馬尾衲衲

靈清宮 井一

明成祖實錄永樂十五年三月建洪恩靈濟宮祀

徐知證及其弟知諤 明陳鳴鶴晉安逸志男子

曾甲世居閩縣金龍峰下灌園園中有破祠其神

嘗棲箕自稱兄弟二人南唐徐知誥之弟知證知

諤也晉開運二年率師入閩秋毫無犯閩人祀我

於此自是書符療病驗若影響永樂間成祖北征

不豫詔曾甲入侍運箕有驗遂封知證清微洞元

真人知諤弘靖高明真人敕有司建廟 帝京景

物略文皇有疾夢二真人授藥疾頓瘳乃敕建靈

濟宮祀之封玉闕金闕真人配曰仙妃十六年改

封眞君成化二十二年改封上帝歲元旦日短至

及眞人誕辰遣太常寺堂上官行禮萬曆二十二

年大學士王錫爵病上特發帑銀五十兩命道官
白昭忻建醮三日夜病尋愈 春明夢餘錄崇禎
十五年給事中左懋第言二真人乃叛臣之子不
宜受朝臣拜跪請以帳幕隔之報可 案靈濟宮
卽靈濟宮濟評爲清聲之轉也明代凡大朝會百
官習儀於此宣德間移朝天宮詳西城據懋第疏
言則明季猶有在此習儀者又崇禎十四年正一
真人張應京應召至都賜宴靈濟宮事見明史方
技傳 明徐學謨世廟識餘錄靈濟宮講會莫盛
於癸丑甲寅間時大學士徐階禮部尙書歐陽德

兵部尙書聶豹吏部侍郎程文德主會皆有氣勢
搢紳可攀附得顯官故學徒雲集至千人丙辰而
後諸公或歿或去惟階尙在而講壇一空矣戊午
歲大僕少卿何遷自南京來復推階爲主盟仍爲
靈濟宮之會然遷名位未可恃號召諸少年多無
應者 明黃瑜雙槐歲鈔成化閒山西妄男子侯
得權詭姓名李子龍謀入內爲逆伏誅乃開西廠
於靈濟宮前詔太監汪直領官校百餘人刺事
燕都游覽志宣城第園在靈濟宮前府第中園也
眾木參天夾竹桃二大樹層臺高館不下數十張

席者曰無虛地 案園久廢

井兒衙衙 井一

迤北曠地曰八寶院井一

乾石橋東斜街

關帝廟俗稱紅廟舊有鑲藍旗官學在東今移西

斜街

嘯亭續錄恆親王府在東斜街今為惇親王府

謹案恆王諱允祺 聖祖五子諡曰溫惇王

諱縣愷 仁宗三子諡曰恪

南中北醫房衙衙 井一

宛平王志有崇寧庵觀音寺

嘯亭續錄貝勒尙善宅在醫家衙衙今廢為木廠

采訪冊禮親王府東斜街醫房衙衙口普恩寺

東 謹案王諱代善 大祖次子時稱大貝

勒追諡烈世襲尙善 顯祖曾孫輔國公芬

古子以功封後追削 萬厯沈志普恩寺在安富

坊

宴樂衙衙

八寶衙衙

板廠衙衙 井一

北小衙衙曰小草廠

背陰衙衙

廊房衙衙

西安門外大街 井二

宸垣識略固山恆愍貝子府在西安門外南街西

嘯亭續錄公巴布泰宅在西安門大街 謹案巴布

泰 太祖九子以功封鎮國公諡恪僖 明史

外戚傳陳萬言肅皇后父也嘉靖元年賜第黃華坊

明年詔復營第於西安門外費帑金數十萬工部尙

書趙璜以西安門近大內治第毋過高帝怒逮營繕

郎翟璘下獄

西馬市街

馬市街元舊名亦稱東大街井一羊市井一右翼稅

署在北

析津志安富坊在順承門羊角市鳴玉坊在羊市北

又羊市馬市牛市駱駝市俱在羊角市一帶人市在

羊角市至今樓子尙存此是至元後有司禁約姑存

此以爲鑒戒 坊巷衙衙集安富坊六鋪有燕山左

衙 案衙久廢

西安門外北夾道

迤北井一

大小枋棒衙衙

大衙衙井一

公儀衙衙

井兒衙衙 井一

大小饅坊衙衙

西枋棒衙衙

小梅檀寺衙衙

梅檀寺明嘉靖時建有萬厯間御史蘇惟霖碑

大小紅羅廠 井二

由宛平王志有真武廟坊巷衙衙集積慶坊四鋪

西有紅羅廠戰車廠太平倉惜薪司嘉興寺半藏寺

興化寺案戰車廠惜薪司無考餘見後

口袋衙衙

太平倉 井一

明太平倉遺址互詳西城

嘯亭續錄承澤親王府在太平倉 謹案王諱碩

塞 太宗五子以功封世襲追諡裕子博果

鐸襲封後改號莊薨無嗣以 聖祖十六子

莊恪親王允祿襲為後 宸垣識略三等誠毅伯

第在太平倉衙衙 案乾隆時蒙古阿爾訥贈誠

毅伯世襲 宛平王志崇善寺在太平倉大街

前毛家灣 井一

中毛家灣

後毛家灣 井一

鎗廠 井一

鐵匠營 井一

地安門外西城根 井一

西步糧橋俗稱西壓橋以 皇城跨其上也玉河水

由此入 西苑宛平縣署在北迤東有白馬關帝廟

隋舊基也藥王廟東瀕十刹海俗稱南藥王廟井一
旌勇祠祀將軍明瑞等賢良祠祀怡賢親王等嘉興
寺半藏寺

宸垣識略一等忠達公第在地安門外西城根一

等恭誠侯第在地安門外西北 案康熙時大學

士定西將軍撫遠大將軍圖海追封忠達公諡文

襄順治時二等伯烏拉忒貝勒明安追封恭誠侯

諡忠順今侯啟泰官散秩大臣 黃富民禮部遺

稿先勤敏公 賜第在地安門外 案黃富民黃

左田鉞之子 萬麻沈志宛平縣在積慶坊

護國寺街

寺勅元至元間名崇國元有南北二崇國寺南寺
為金遺剎今無考此為元丞相託克託故宅今為
蒙古喇嘛所居月之七八日有廟市
嘯亭續錄張文和廷玉 賜第護國寺街 藤陰
雜記寺西先為張文和第後改西華門內 賜史
文靖貽直文靖薨 賜王文莊際華文莊出文靖
門下師生接住亦是佳話 沈初西清筆記王文
莊際華住護國寺有二十四福堂 坊巷衛衛集
發祥坊七鋪有大興左衛崇國寺正覺寺弘善寺

白米寺 案正覺寺弘善寺見後餘無考

馬狀元衛衛

案明初廷對第一者有馬麟馬愉 國朝順治壬
辰科分滿漢兩榜滿榜則麻勒吉首選時稱麻狀
元嘯亭續錄謂其宅尚存人評狀元街疑即在此
馬蓋麻之轉也

興化寺街 井一

有興化寺

嘯亭續錄公永瞰宅在興化寺街 謹案永瞰

聖祖曾孫理密親王允祜之孫乾隆元年封

輔國公 藤陰雜記與化寺街于文襄敏中第雨
梧書屋後賃蔡小霞廷衡章約軒謙恆重過見藤
花有感詩東閣當年未敢窺年來頻見紫雲垂不
知醉斃車茵者誰向花前酹一卮

鬼門關

箭杆衚衕

馬神廟斜街

大小羊角鎧衕

白米斜街 井一

觀音堂井一內務府所屬三旗參領署在北街後

臨十刹海 案坊巷衕衕集有白米寺今無考豈
地以寺名歟

右在大市街東地安門街西長安街北與南城
西城北城界 隸中東坊

京師坊巷志卷三

Blank columns for text in the right-hand page.

京師坊巷志卷四

坊名 義烏朱一新 同撰

坊名 吳興劉承幹重訂

內城東城

城冊內城地陞隸東城者東南俱至城根西至崇文門街與南城界又西至王府街迤北至交道口與中城界北至東直門街與北城界

崇文門大街

崇文門俗沿元稱曰哈達門或訛海岱迤北有坊曰就日井一化成寺在西又有關帝廟



析津志文明門卽哈達門哈達大王府在門內因
名 人海記康熙甲子秋九月海岱門內地中忽
作聲有光如電初以爲地震也已知其地舊蕪火
藥覆大石板上土厚尺餘不知何故忽發飛石所
中凡傷二百餘人 甲申小紀吳三桂子應熊爲
額駙 賜第海岱門內 案應熊以康熙十三年
伏誅三桂父襄居江米巷闖賊自山海關敗回襄
妻及家屬三十餘人皆爲所殺居民有譌傳三桂
挾故明太子回京者資具櫬斂之事見甲申傳信
錄 萬厯沈志般若庵有敕建碑在明時坊 案

庵今無考 周篔析津日記吳匏庵園居有海月庵
玉延亭春草池醉眠橋冷澹泉養鶴闌今訪其遺蹟
已不可得 舊聞考河南彭氏所藏張見陽補畫玉
延亭圖有趙寬賦序云春坊先生所居崇文街第有
園一區名亦樂中有亭曰玉延賦首又云竝東郭之
青陽則斯亭應在東城又毛澄重建玉延亭記云園
中別有庵曰海月玉延爲庵之輔則海月庵與玉延
亭毗連也 案海月庵夢餘錄云在皇牆西誤也今
從舊考吳寬匏翁家藏集有海月庵冬日賞菊圖序
崇文門內東城根 井二

神仙洞井一迤東有大石橋時雨淫潦溝沿水由此
出水關入護城河

孝順衙衙

船板衙衙 井一

秋坪新語崇文門內船板衙衙冬日延燒數十家
破屋三閒四垂如斬乃陳姓孀婦撫一孤兒所居
也人謂之節孝之廬

眞武廟

小報房衙衙

八寶衙衙

三元庵

茄子衙衙

丁香衙衙

鎮江衙衙

後院

范子平衙衙

建昌衙衙

鮮魚巷 井二

有雲激試館

觀音堂

釣兒衙衙 井一

江捺衙衙 井一

官帽司 井一

五老衙衙

火神廟

箭杆白衙衙

四眼井 井一

柳罐衙衙 井一

銀絲衙衙

井兒衙衙 井一

溝沿頭

南有小石橋西小衙衙井一迤南曰會合寺東西橋

各一

後井兒衙衙 井一

毛家灣

林檀衙衙

二眼井 井一

臊達子衙衙

紗帽翅衙衙

馬匹廠 匹或作皮

北小衙衙曰馬尾衙衙迤北曠地曰果公府馬圈井一

製鈔局

舊有工部寶源局新廠

錢局後

銅廠井一

金鈎衙衙井一

礮廠

廟前井一

快子衙衙

盔甲廠井一

會典事例盔甲廠在崇文門內之東今貯廢礮

蕪史盔甲廠即鞍轡局掌廠太監一員署建於都

城東南隅掌營造盔甲銃礮弓矢火藥之類萬厯

年間火藥忽然者再崇禎甲戌九月初七日又震

損人屋甚多將製火藥石礮遠拋於泡子河城牆

下天咫偶聞鐵梅庵保宅在廠右今廢

東褲子衙衙

大小羊毛衙衙

靈官廟

泡子河

坊巷衚衕集作泡作河井二橋一迤西有呂公堂
明爲永安宮今設電報局於此少南有太清宮景
物略之玉皇閣也又南有華嚴禪林明萬厯間重
修北有關帝廟明碑二皆磨泐

燕都游覽志泡子河在崇文門東城角前有長谿
後有廣淀高堞環其東天臺峙其北兩岸多高槐
垂柳空水澄鮮林木明秀不獨秋冬之際難爲懷
也河上諸招提苦無廣大者水濱之頽園廢圃多
置不葺城內自德勝河外惟此二三里閒無車塵

市囂惜命駕者少耳舊聞考泡子河在今觀象
臺前河身尙存經呂公祠南石橋出南水門入通
惠河萬厯沈志呂公祠在明時坊帝京景物
略泡子河南岸方家園張家園房家園以房園最
北岸張家園傅家東西園以東園最中呂公堂西
楊氏泌園東玉皇閣北去貢院里許案諸園今
不可考矣查浦詩鈔雜詠詩張園酒罷傅園詩
泡子河邊馬去遲蹋徧槐花黃滿路秋來祈夢呂
公祠帝京景物略祠後有物白氣竟丈夜游水
面人或見之則倒入水作鼓漿聲或曰水掛也

藤陰雜記呂仙祠祈夢頗靈姜西溟宸英鄉會試
寓祠及第後有詩

呂公堂上坡

有慈雲寺俗稱十方院

天咫偶聞呂公堂在觀象臺之南泡子河東岸自
昔久著靈異春秋闈士子祈夢者最多今夢榻尚
存而祈者鮮矣但祈方藥者甚多門外賣藥人王
姓以此致富壬辰春闈余假館其家每晨光未旭
步於河岸見桃紅初沐柳翠乍翦高墉左環春波
右瀉石橋宛轉欲擬垂虹高臺參差半籠曉霧河

之兩岸多園亭舊址今無尺椽片瓦之存然其景
物澄廓猶足留連忘返

蘇州衙衙

巷東口曰八寶樓寶亦作步

飯瓶衙衙

梯子衙衙

麻綫衙衙井一

明郎瑛七修類稿蘇州衙衙有苦井弘治間正月
朔日晨有術士汲其水往甜井中易水而來向井
呪咀而下之遂變爲甜水 舊聞考井在蘇州衙

衙內麻綾衙衙三元庵前居民至今資以汲飲

查浦詩鈔雜詠詩柄鑿流傳事不侔誰分涇渭定

千秋移將苦水成甜水喚作蘇州是薊州

延壽庵

猴兒衙衙

土地廟下坡

火神廟下坡

芝麻衙衙

八寶衙衙

喜鵲衙衙

嘯亭續錄公弘曠宅在喜鵲衙衙 謹案弘曠

聖祖孫理密親王子雍正六年封輔國公諡

恪僖

裱稍衙衙 井一

總督倉場署在北

春明夢餘錄于少保祠額曰忠節在崇文門內東

裱稍巷公故賜宅也祠三楹中塑公像歲春秋遣

太常寺官致祭 人海記崇文門內舊有于忠肅

祠萬厯乙未二月己未敕建順治中公像被毀吾

邑人談孺木作弔于太傅祠文以憫之今相傳為

京師城隍神 舊聞考謙本傳載謙自奉儉約所
居僅蔽風雨帝賜第西華門固辭夢餘錄言祠在
崇文門內其非西華賜第可知今祠亦廢裱補衙
衙內有福德祠地甚狹相傳卽其舊址 案祠今
重修旁爲杭郡試館

南銀盃衙

羊肉衙

彌勒庵井一

官帽衙衙井一

觀音寺衙衙井一

靈藏觀音寺有廬州試館舊有鑲白旗義學見八
旗通志

甲申傳信錄毛百戶遺其名住觀音寺衙衙三月
十九日賊入舉家三十餘口悉入井死

扁擔衙衙

象鼻子院 井一

鑲白旗官學在焉

衣包衙衙

北銀盃衙衙

棲鳳樓 棲或
作騎

小頭條二條三條衚衕

舊稱十八半截見八旗通志圖頭條三條衕井
各一

娘娘廟

大小土地廟

小土地廟井一

北極閣

黃壽醫衕衕

火神廟

新開路井一

正藍旗官學在北

嘯亭續錄寧郡王府在新開路 謹案王諱弘皎
諡曰良

總鋪衕衕 鋪俗訛捕或
訛布井二

有元貞觀

燕都游覽志東院在總鋪衕衕東城畔昔時歌舞
地今寥寥數家如邨舍兼之人掘土為坯滿目阡
塹從寒煙衰草中想走馬章臺之盛邈不可復尋
猶記舊游有陳家園郝家亭子樹石楚楚並無存
矣 天咫偶聞特恭慎公宅在元真宮之北特口

口官至左都御史

南關市口

宸垣識略一等順義侯第在南關市口 案順治

時田雄以明福王降封順義侯今侯錫光官散秩

大臣

方巾巷 井一

蘇州衚衕下坡

牛角灣

箭杆衚衕

寬街

豆腐巷

舊有正白旗義學見八旗通志

雙柵欄

鐵匠營

八根旗杆 井一

東裱褙衚衕 井一

水磨衚衕

采訪冊意公第在舉場西水磨衚衕 謹案公為

太祖七子饒餘敏郡王諱阿巴泰之後

嵩桂衚衕

舉場南夾道

觀象臺

觀象臺隸欽天監地以臺名

明一統志欽天監設司天臺於朝陽門城上 藤
陰雜記觀象臺在城東南隅登高俯視通州城市
可接之眉睫間 日下舊聞元都城在東北白馬
廟柴市瓊華島皆在南城今之觀象臺則在南城
外讀吳師道城外紀游作可信已 析津志明時
坊在太史院東 坊巷衚衕集明時坊西四牌十
六鋪東四牌二十六鋪有羽林右衛武功左衛右

衛中衛 案坊沿元舊稱蓋取治厯明時之義今
之觀象臺元之司天臺也太史院當與相近明諸
衛久廢羽林右衛又見保大坊當是後來移置
明史外戚傳與鞏永固射賊楊光陞者駙馬都尉
子也被甲馳突左右射與永固相失矢盡投觀象
臺下井中死

鯉魚衚衕

有山東試館

筆管衚衕

驢蹏衚衕

大牌坊衙衛

井一

舉場東西夾道

貢院在焉

春明夢餘錄貢院在城東隅元禮部舊基也永樂乙未改爲貢院制甚偏隘嘉靖中議改棚西北隙地卒未果至萬厯二年因故址拓旁近地益之

案今貢院仍明舊址明改元禮部爲貢院據湧幢小品乃正統間事與夢餘錄異 明武宗實錄正德六年四月改建工部文思院於東城明時坊以舊置地卑沮洳不便改作故也 長安客話文思

院在舉場衙衛屬工部屯田司官有大使副使

頂銀衙衛

小衙衛內井一

錦衣營

福建司營

井一

牛角灣

草廠衙衛

前中後椅子衙衛

井一

乾石橋

東總鋪衙衛

石大人衙衛 井三

工部寶源局在北雙忠祠亦在北祀傅清拉布敦
東北第一小衙衛曰大衙衛井一曰問源井
春明夢餘錄寶源局在石大人衙衛石亨舊宅亨
誅宅沒入官嘉靖中以賜仇鸞鸞敗復沒入官因
改爲鼓鑄公署 嘯亭續錄睿親王新府在石大
人衙衛 宸垣識略有饒餘親王府 謹案睿邸
舊在 皇城內王得罪後嗣子多爾博歸本宗府
久廢乾隆四十三年以多爾博六世孫溥穎嗣世
襲卽今府也舊爲饒餘親王府 帝京景物略冉

駙馬宜園在石大人衙衛堂三楹堦墀朗朗老樹
森立堂後有臺臺前有池山前有石數百萬碎石
結成也園初自正德中咸寧侯仇鸞後歸成國公
朱庚今歸冉石有名曰萬年聚 燕都游覽志園
亭之在東城者曰梁氏園曰楊舍人沁園曰張氏
陸舟曰恭順侯吳國華園曰英國公張園成國公
適景園後歸武清侯李曰萬駙馬曲水園曰冉駙
馬宜園 案沁園見泡子河適景園見後餘無考
蝎虎衙衛

堂子衙衛

總理通商事務衙門在北舊爲鐵錢局同文館附
焉 大學士賽尙阿故第今并入總署
宸垣識略一等超武公第在東堂子衙衙
無量衙衙 井二

元危素說學齋集京師寅賓里有無量壽庵者居
士屠君所建也君名文正山陽人事親至孝至元
元年大兵驅至開平日夕思念其母南望悲泣因
禮佛絕葷酒十有一年還至大都師事華滿禪師
於慶壽寺滿號之曰居士時宋已內附疆宇混一
私喜可見其母亟馳書候之母已歿居士躡踊號

慟若不欲生二十一年出已資七百貫買地十畝
於太廟之西作無量壽庵皇慶二年遇災庵燬子
覺興哀金於好施者復謀營建 舊聞考今無量
大衙衙相傳卽無量庵故址而地界不合以坊巷
衙衙集考之蓋名吳良大人衙衙而後人附會之
耳 案元太廟在齊化門北詳後

井兒衙衙 井一

遂安伯衙衙 或作
歲柏

明史功臣世表遂安伯陳志永樂元年五月丁亥
封世襲國亡迺絕此或其故居也 宸垣識略一

等延恩侯第在歲柏衙衙 案雍正二年崩明太祖十三子代簡王之裔正定府知府朱子樾為延恩侯今侯誠端官散秩大臣

東西石槽衙衙

崇寧庵井一東石槽小衙衙井一

乾麪衙衙 井一

小衙衙井一正藍旗護軍統領署在北幼官學在北

嘯亭續錄貝子吳達海宅在乾麪衙衙 謹案吳達海或作務大海 顯祖孫誠毅貝勒穆爾

哈齊四子以功封追諡襄敏 采訪冊喀拉沁王府在乾麪衙衙非 賜第也不常居 菽園雜記天順間太監曹吉祥忠國公石亨用事勢燄炙手可熱乾麪衙衙一賣餅小家女美而豔都督石彪欲娶為妾父母樂從之女獨不肯乃已未幾石氏敗彪棄市

東西羅圈衙衙 井一

史家衙衙

左翼宗學在北東西大院井各一迤東焦家大院井一

藤陰雜記德定圃保第在史家衚衕公自東粵還
京歲集諸門生宴集樂賢堂內

句闌衚衕

宸垣識略一等誠嘉毅勇公第在句闌衚衕 案
乾隆時定邊右副將軍明瑞封誠嘉毅勇公今公
景壽尙 宣宗六女壽恩公主 析津日記
京師黃華坊有東院有本司衚衕本司者教坊司
也又有句闌衚衕演樂衚衕相近復有馬姑娘衚
衕宋姑娘衚衕粉子衚衕出城則有南院皆舊日
之北里也 案馬姑娘衚衕舊聞考云有之今無

是名 惕庵年譜河督公供職內閣初置句闌衕

衕宅

完顏麟慶

王昶春融堂集至京寓句闌衕衕是

桂林相國舊第 天咫偶聞瑛夢禪故居在句闌

衕衕 野獲編穆宗仁儉性成嘗思食果餅詢之

近侍俄頃尙膳監及甜食房各開買辦松榛粳糧
等物值數千金以進上笑曰此餅只需銀五錢便
於東長安大街句闌衕衕買一大盒矣何用多金
內臣俱縮頸退蓋上在潛邸久稔知其價也

八寶衕衕

本司衕衕 井三

正藍旗滿洲蒙古漢軍都統署左翼前鋒統領衙門俱在北

幔幄亭集注嘉慶己卯居鐵門庚辰居珠巢街皆在宣武門南道光丙戌自湖南還寓城內本司衙衛 穀城山房筆塵正德中樂長臧賢甚被寵遇曾給一品服色相傳教坊司門曾改方向形家見之曰此當出玉帶數條聞者笑之未幾上有所幸伶兒入內不便詔盡宮之使入為鐘鼓司官後皆賜玉

西花園

演樂衙衛

俗訛眼藥井一

下窪子

鐙草衙衛

鑲白旗漢軍都統署在北

宸垣識略一等誠謀英勇公第在鐙草衙衛 案乾隆時大學士定西將軍阿桂封誠謀英勇公諡文成今公繼勳官散秩大臣

驢市衙衛

亦稱驢市井一

鑲白旗護軍統領署在南舊有左翼公署報恩寺舊為昭寧寺

天咫偶聞劉文正公宅在驢市衙衙正室五楹階
下青桐傳爲文清公手植南牆上橫石刻劉石庵
先生故居七字 今白華堂詩錄詠懷海岱瞻門
高風塵苦身賤飄蓬欣有託恍如竹林院自注海
岱高門第 御賜劉文正句也時寓驢市衙衙劉
氏之北宅

前後楊棒衙衙

後衙衙井一

花廳衙衙井二

萬麻橋

煙筒衙衙

石碑衙衙

前後炒麪衙衙

康熙橋

朝陽門南小街井一

大小羊儀賓衙衙

大衙衙井一

弘道寺

趙家樓

羊尾衙衙井一

下堂子衙衙下或作趙

扁擔衙衙

黃寶蓋

城隍廟衙衙井一

牛角灣

有宜荆試館

小城隍廟

板橋

小椿樹衙衙

羊圈衙衙

東西龍鳳口

十方院

大院井一小衙衙井一

小牌坊衙衙

大小雅寶衙衙雅寶本作啞巴

大衙衙井一有清泰寺

萬厯沈志靖恭寺維摩庵俱在黃華坊有敕建碑

案寺久廢維摩庵在小雅寶衙衙地以庵名

高井井一

祿米倉井一

有智化寺明瑄王振建英宗復辟爲振建祠於寺
北曰旌忠乾隆八年御史沈廷芳奏毀

坊巷衙衛集黃華坊四牌二十一鋪有武學王府
倉祿米倉武德衛興武衛豹韜衛神策衛龍虎衛
智化寺二郎廟 案諸衛久廢武學二郎廟見後
徐懋賢忠貞軼紀甲申三月十九日城陷布衣
楊國震聚妻子積薪舉火鄰人救止震遂移居黃
華坊與妻鄭氏子德申自焚其同居田氏三女一
男亦同投火死

倉東西夾道

武學衙衛

井一

匏翁家藏集京師有武學所以教諸衛武臣之子
孫將世其官者始建於正統癸亥制尙弗稱後朝
廷以城東舊第賜故太平侯張公辭焉有詔改爲
學 宛平王志京衛武學明時屬兵部考試康熙
三年四月改屬順天府其殿廡衙舍鼎革後圯壞
不堪惟存基址 案智化寺西民居存石獅二云
卽明武學遺址舊聞考言雍正十年改爲順天府
武學與宛平志異

大小方家衙衛

京師坊巷志卷四

二十二 求恕齋

大衙衙井二小衙衙井一東方家園井一有火神廟舊有鑲白旗官學今移象鼻子院

采訪冊照公第在方家園 謹案同治初照祥封

承恩公 慈禧太后弟也凡承恩公非 賜

第者不書 析津日記東院之東舊有方家園園

廢建淨業庵於其址殿左廡有鎮陽林潮書許魯

齋先生演千字文字以萬曆十一年八月刻石嵌

於壁 案庵今廢林書亦無考

新鮮衙衙

八旗通志作新香井一正白旗覺羅學在北官學

在南舊有正藍旗義學亦見通志

苦水井 井一

有官房大院

二神廟

土地廟

林駙馬衙衙 井一

八大人衙衙

八旗通志作八達井一

竹竿巷 井二 橋一

火器營衙門在焉有證因寺

扁擔衙

老君堂井一橋一

正白旗滿洲都統署在南神機營所屬左翼漢軍
排鎗隊礮隊均置廠於此

坊巷衙集思城坊五牌二十一鋪有忠義前衛
蕃牧所東城兵馬司百萬倉老君堂延福宮水月
寺 明一統志有燕山右衛 萬厯沈志有延祐
觀 案百萬倉水月寺見後餘無考

南水關

朝陽門內南城根井一

右在就日坊街東朝陽門街南其西南與南城
界

就日坊北大街

俗稱東單牌樓大街井二南接崇文門街迤北有米
市東小衙衙曰七間樓井一

采訪冊怡親王府在東單牌樓大街東 謹案怡
邸捨為賢良寺後移朝陽門內北小街咸豐十一
年嗣怡王載垣獲罪以寧王裔孫鎮國公某襲故
怡府即寧府寧良郡王弘皎怡賢親王次子見前
頭條衙

吳昆田師友小傳湯文端公邸第在長安街頭條

衙衙

二條衙衙井一

三條衙衙

采訪冊豫親王府在東單牌樓三條衙衙 謹案

王諱多鐸 太祖十五子順治時稱輔政叔

德豫親王諡曰通世襲

大小灌腸衙衙

帥府衙衙

天咫偶聞且園在帥府衙衙宜伯敦茂才屋所構

小樓二楹可望西山花畦竹徑別饒逸趣

新開路

煤渣衙衙渣亦作炸

神機營衙門在焉

嘯亭續錄怡親王舊府在煤炸衙衙今為賢良寺

謹案王諱允祥 聖祖十三子雍正時任

議政諡曰賢世襲

校尉營

帥府園

八旗通志作西帥府衙衙神機營所屬威遠營捷

字步隊置廠於此

禮敬衙衙

冰蓋衙衙

一統志賢良寺在帥府衙衙本怡賢親王故邸後

移冰蓋衙衙

金魚衙衙

魚或作銀

神機營所屬震字馬隊置廠於此又有軍器庫

嘯亭雜錄云左翼宗學今在史家衙衙 宸垣識

略一等襄績公第在金銀衙衙 案康熙時都統

平南大將軍賚塔封襄績公諡襄毅賚一作賴

西堂子衙衙

乾魚衙衙

亦作甘雨

鑲白旗蒙古都統署在焉北有天主堂

坊巷衙衙集澄清坊九鋪有成壽寺元極觀 案

觀今在乾魚衙衙

椿樹衙衙

有成壽寺

萬麻沈志寺在澄清坊有敕建碑

鐙市口大街 井三

關帝廟前井一鑲白旗滿洲都統署在北北小衙衙

日一閒樓

宸垣識略張貝子府在鐙市東 采訪冊熙貝勒
府在鐙市口傳爲明相嚴嵩故宅 天咫偶聞單
貝勒府在鐙市 謹案貝勒諱丹巴多爾濟蒙古
人本公爵手禽陳德以功加封貝勒 燕都游覽
志鐙市在東華門王府街東崇文門西互二里許
南北兩廡凡珠玉寶器以逮日用微物無不悉具
衢中列市碁置數行相望俱高樓樓設氍毹簾幕
爲宴飲地一樓日賃直有至數百緡者夜則然鐙
於上望如星衢市自正月初八日起至十八日始

罷鬻鐙在市西南有冰鐙細剪百綵澆水成之
帝京景物略永樂七年令元宵節賜百官假十日
今市十日賜百官假五日內臣自秉筆篆近侍朝
臣自閣部正外臣自計吏不得過市猶存古罰鬻
幕蓋帷意其他例得與吏士軍民等過市又內市
者東華門內月三日市今移鐙市張矣猶稱內市
也 案明鐙市最繁盛范景文詩所謂文具珊瑚
看不盡東華門外市三條是也今鐙市內市俱廢
其地猶存鐙市口之名 春明夢餘錄鐙市大街
嘉靖二十九年立戎政府統以勳臣一員曰總督

京營戎政佐以文臣一員曰協理京營戎政營制有三中曰五軍東曰神樞西曰神機五軍營析爲營十六神樞營析爲營十神機營析爲營九崇禎十六年八月以襄城伯李國楨總督京營戎政請上御書營額上爲親書共武堂賜之

佟府夾道

順治時

孝康章皇后之弟安北將軍佟國

綱康熙時

孝懿仁皇后之父內大臣佟國

維皆封一等承恩公後并襲其賜第在此故名傳云前明嚴世蕃故宅也

藤陰雜記介少宗伯福第在鏡市口有野園汪文端由敦題野園詩數竿修竹靜生香猶記開軒六月涼多少樓臺圖畫裏吟情不較野園長案介爲佟氏後人野園今尙存燕史寶和等店管商販雜貨歲徵銀數萬兩除正項進御外餘皆提督內臣公用店有六曰寶和和遠順寧福德福吉寶延俱在戎府街傳云起自嘉靖年間裕邸差官徵神廟時屬慈寧宮李太后徵用案今佟府夾道有明碑一列大璫劉瑾名結銜稱欽差提督寶和店則非始自嘉靖也其地明稱戎府街今鮮能舉

其名矣

大小鴉鴿市

大鴉鴿市井一 案元時鴉鴿市在喜雲樓下樓
今無考或當在此

油坊衙衙

箭廠衙衙

迤北日弓箭大院亦稱帽行大院井一西有福家
大院

大小報房衙衙

報或作
豹井一

北大院井一正白旗蒙古漢軍都統署俱在大報

房衙衙

坊巷衙衙集明照坊六鋪 萬麻沈志法華寺在
明照坊有敕建碑 案寺在大報房衙衙明景泰
中太監劉通捨宅為寺咸豐末設巡防處和議既
定諸大臣於此接見外國使臣寺西偏有海棠院
海棠高大逾恆春時花光耀目有室名丁嚶館
元宋娶燕石集有明照坊對雨詩

油勺衙衙

五石井衙衙

無量庵

大小豆腐巷

小巷井一小衚衕曰鬼門關

狗尾衚衕 井一

東馬市街

亦稱西大街見舊聞考井三有馬市豬市羊市百鳥市左翼稅署火器營衙門俱在北迤北長和大院井一鹽店大院井一

右在王府街東馬市街南就日坊大街西長安

街北與中城南城界

神路街

路或作道

隆福寺街 井二

隆福寺後井

坊巷衚衕集仁壽坊八鋪有府軍後衚隆福寺仰

山寺 明一統志中城兵馬司在仁壽坊又有金

吾右衕 萬厯沈志有境靈寺 案今皆廢惟隆

福寺存衚衕集云仰山寺有前後街今亦無考

野獲編大隆福寺為景帝所建至撤英宗南內木

石助之未幾又從山西巡撫都御史朱鑑言謂風

水當有所避忌乃命閉正門不開禁鐘鼓聲又拆

寺門牌坊所謂第一叢林者而無救於禍難 菽

園雜記京師巨刹大興隆大隆福二寺爲朝廷香火院餘皆中官所建 藤陰雜記廟市惟東城隆福西城護國二寺百貨具陳目迷五色王公亦復步行評玩鮑西岡鈔有句云三市金銀氣五侯車馬塵足括廟市之勝 案市期在月之九十日

崔府夾道

烏鎗衙

東廊下 井一

西廊下 井一

大溝巷

銅鐘衙

轎子衙

孫家頭 井一

筆管衙

箭杆衙

錢糧衙

寶泉局南作廠在北俗稱錢糧局

采訪冊帛公第在錢糧衙 案帛公爲怡賢親

王長子寧良郡王諱弘皎之後

南花園

南兵馬司衙衙

天咫偶聞寶文靖公蓋第在南兵馬司路西有園
在路東

銅叉衙衙

小香廟

羊尾衙衙

喇叭營 井二

山老兒衙衙

大佛寺後 井一

寺前迤南為王府街迤西轉北為定安門街

天咫偶聞前明新建伯第在大佛寺前今額駙景

壽居之 嘯亭續錄誠親王府在大佛寺 采訪冊

芸公第在大佛寺北 謹案王諱允祕 聖

祖二十四子諡曰恪芸公為 高宗五子榮

純親王諱永琪之後 析津日記普德寺俗評大

佛寺建置歲月無碑記可考

牆兒衙衙

北花園

十景花園

迤西曰唐家大院

帝京景物略成國公園有三堂皆蔭高柳老榆左
堂盤松數十株右堂池三四畝堂後一槐四五百
歲矣樹旁有臺臺東有閣榆柳夾而營之中可以
射圍曰適景都人評十景園又英國公賜第之堂
曲折東入一高樓南臨街北臨深樹有亭立雜樹
中海棠族而居二石奇質元內府國鎮也上刻元
年月下刻元璽臺之旁古柴市也 案十景園久
廢其地猶沿舊稱張園今無考以地近柴市故附
此
八條灣

牛角衙衙

戲館衙衙

黃土炕

馬大人衙衙

迎北善家大院井一

扁擔衙衙

順天學政衙門在東

翦子巷

魏家衙衙

汪芝麻衙衙

嘎嘎衙

八旗通志作賈家衙

宸垣識略一等襄勇伯第在嘎嘎衙 案嘉慶

時大學士明亮封襄勇伯後贈三等侯

中翦子巷 井一

采訪冊棍公第在中翦子巷

鐵獅子衙 井一

嘯亭續錄恭親王府貝子允禧宅俱在鐵獅子衙

衙貝子宅今為和親王府 謹案恭王諱常穎

世祖五子今為承公第貝子允禧 聖

祖九子雍正四年黜屬籍乾隆四十三年

詔復之和王諱弘晝 世宗五子諡曰恭今

為廉公第 采訪冊那公第在鐵獅子衙 案

科爾沁親王色布騰巴爾珠爾尙 高宗三

女和敬公主 賜第在此那公其後人也 春星

草堂隨筆志藹雲尙書和宅卽田弘遇舊第巷口

鐵獅子衙存園中竹石亦舊園之締構

府學衙 井一

有坊曰育賢順天府學在焉

萬厯沈志洪武初以元太和觀地為大興縣學國

子監爲府學永樂中以府學爲國子監因以大興學爲府學 春明夢餘錄順天府學故報恩寺也元未有僧游湘潭募造報恩寺尙未安像明師下燕戒士卒毋得入孔聖廟僧倉皇借宣聖木主置殿中後不敢去遂以爲學其地元之柴市也 明一統志北城兵馬司在教忠坊 坊巷衚衕集教忠坊十鋪元殺宋文丞相於此故名 元王恽中堂事紀至元十六年帥臣張弘範執文天祥至大都囚之上屢欲赦出相之不從十九年十二月初九戮於燕南城柴市 帝京景物略江南十義士昇

公藁葬都城小南門外五里道旁大德二年繼子陞至都順城門內見石橋織綾人婦公舊婢綠荷也爲陞語劉牢子乃歸葬廬陵 案府學旁有文丞相祠明洪武九年按察司副使劉崧建其西爲江右懷忠會館見春明夢餘錄今館廢祠存 許重熙甲乙彙略明崇禎十七年三月戊申左都御史李邦華縊於文丞相祠 邵長蘅青門旅稿李邦華傳十八日賊破外城公移宿吉安館文信公祠下烹賜豕祀信公徧餉所知詰朝內城陷公亟奔大內闕門閉不得入歸館沐浴整衣冠拜信公

曰邦華鄉邦後學當死國難請從先生於九原取
白縑書贊曰堂堂丈夫聖賢爲徒忠孝大節誓死
靡渝臨危授命庶無媿吾君恩莫報鑒此癡愚縑
尾書人生自古誰無死留取丹心照汗青句持采
帛繫文信公坐榻投縑而絕 明胡侍眞珠船無
錫茹文中居京師之高坡衚衕百有十歲英皇復
辟之年召見便殿予冠服帶履宴順天府又命公
卿造其居賀之 案今府學衕衕有地名高坡疑
胡氏所稱高坡衕衕也

巴兒衕衕

細罐衕衕

北翦子巷

錢局院

白米倉

井一

桃條衕衕

梯子衕衕

井一

寶泉局衕衕

戶部置局於此東臨大街有坊曰寶泉局其後曰

濟陽倉

水獺衕衕

井一

馬將軍衙衙

大興縣署衙衙 井一

有坊曰大興縣北小衙衙曰臊韃子衙衙

明曹學佺名勝志大興縣治在北城教忠坊 帝

京景物略駙馬萬公曲水家園新寧伯之故園也

燕不饒水與竹而圍饒之 畿輔唐志曲水園在

大興縣東明駙馬萬煒建園中有松化石 案園

今無考

花枝衙衙

北小衙衙曰花梗衙衙

香兒衙衙

鑲黃旗覺羅學在北

宸垣識略一等續順公第在香兒衙衙 案 國

初沈志祥封續順公

扁擔衙衙

土兒衙衙

東大市街

有坊四東曰履仁西曰行義南北曰大市街俗稱東

四牌樓大街南接就日坊大街迤北午達東直門者

曰十字街元舊稱也見析津志井五北有估衣市井

一迤南小衚衕井一西小衚衕曰老虎洞井一左翼宗學舊在街東後移史家衚衕東有二郎神廟西有回人清真寺

嘯亭續錄劉文正統勳 賜第東四牌樓 明兵部則例北會同館在澄清坊大街東正統六年建弘治五年改作凡屋三百七十六間 案館久廢析津志雜貨市在十市口北有柴草市此地若集市近年俱於此街西爲貿易所 紀昀灤陽續錄鐙市口二郎神廟其廟面西而曉日初出輒有金光射室中似返照或曰是廟基陞與 中和殿

東西相值殿上火珠映日回光耳
右在安定門街東北新橋街南大市街西馬市街北與中城北城界

朝陽門大街

朝陽門俗沿元稱曰齊化門井三橋二大慈延福宮在北俗稱三官廟南小衚衕井一

析津志車市在齊化門 案市今尙存 元一統志太廟在齊化門北 元祭祀志門外馳道抵齊化門之通衢 日下舊聞無量庵在太廟西昔之寅賓里當在今之思城坊也 案無量庵見前

元田忠良傳少府爲諸王昌通建宅於太廟南忠
良往仆其柱少府奏之帝問忠良對曰太廟前豈
諸王建宅所耶帝曰卿言是也 元文宗紀天祿
元年九月帝出齊化門 又列傳明兵入京師大
將召丁好禮不肯行昇至齊化門抗詞不屈而死
天問閣集王氏市人吳信妻世居齊化門東偏
貨繪物張市崇禎甲申賊至縛信拷掠王自經賊
釋信救之活迫污之王氏切齒賊舌舌斷賊昏亂
刺王裂腹死羣賊至賊狂叫噴血問之指顧不能
言羣賊以爲信家有崇也棄去信以是活家且全

焉 萬厯沈志大慈延福宮延壽觀俱在思城坊
有敕建碑 案觀今無考 元耶律楚材湛然居
士集遼重熙清寧閒築義井精舍於開陽門之郭
旁有古井清涼滑甘因以名焉金天德二年展築
京城仍開陽之名爲其里大定中僧善祖營寺朝
廷嘉之賜額大覺 舊聞考寺久廢據析津志義
井一在思城坊洞陽觀前今大覺寺旣廢義井亦
不能確指其處矣

頭條衚衕 井一

天咫偶聞怡親王舊府在頭條衕同治初載垣

以罪賜死此邸賜孚郡王居之 謹案郡王諱奕

諲 宣宗第九子諡曰敬

驢蹠衙衙 井一

二條衙衙

宸垣識略協辦大學士吏部尚書一等嘉勇公第

在二條衙衙 案乾隆時福康安封嘉勇公後晉

忠銳嘉勇貝子贈郡王諡文襄

三條衙衙

五音集韻牌子東四牌樓三條巷觀音庵僧敬安

刊施萬曆十七年

四條衙衙 井一

寶泉局東作廠在焉

石槽衙衙

舊有左翼前鋒統領衙門見八旗通志後改設

東廠衙衙

水車衙衙

班大人衙衙

宸垣識略一等誠勇公第在六條衙衙 案乾隆

間定北將軍班第封誠勇公居此故名

五條衙衙 井一

采訪冊麟公第在五條衚衕 案公為饒餘敏親

王次子温良貝子博和託之後 舊聞考五條衕

衕有水月寺舊碑剝落惟篆額水月庵三字可辨

胛膊肘衕衕

流水溝

鐵匠營

牛圈

月牙衕衕

後泥窪

半道衕衕

六條衕衕

井五貫寺

人有日本國使館

采訪冊元公第在六條衕衕 謹案公為

聖祖三子誠隱郡王諱允祉之後 宸垣識略襲

三等信勇公第在六條衕衕 案雍正時振武將

軍靖邊大將軍傅爾丹襲信勇公其曾祖直義公

費英東封爵也今公定昌官散秩大臣

王姑園衕衕

亦作皇姑院 井一橋一

舊聞考聖姑寺見坊巷衕衕集今北小街有衕衕

名王姑園或即其地歟

八寶衙衛

板橋或作灰橋

娘娘廟

七條衙衛 井二

采訪冊燦公第在七條衙衛 謹案公為

聖祖十五子愉恪郡王諱允禩之後 宸垣識略

一等超勇公第在七條衙衛 案乾隆時領侍衛

內大臣海蘭察封超勇公諡武壯

八條衙衛 井四

有承恩寺正覺寺

舊志承恩寺有敕建碑

九條衙衛 井一

案王彥泓疑雨集有蕭疏客從纒三騎曲折衙衛

到九條之句蓋明時北里也 采訪冊謨貝子府

在九條衙衛 案貝子以惠端親王支子推封

宸垣識略襲一等昭信伯第在九條衙衛 案乾

隆時大學士李侍堯襲昭信伯其祖李永芳封爵

也

十條衙衛 井二

正白旗覺羅學在南有護軍統領署舊有五嶽庵

明宣德元年建內供玉續五嶽真形圖故名
十一條十二條衚衕

八旗通志作鈔手衕衕罐兒衕衕

新寺衕衕 井一

舊志觀音寺在南居賢坊 案今名廣慈

老君堂

坊巷衕衕集南居賢坊有老君堂云即洞陽觀舊
址也元時觀前有義井見上

門樓衕衕

慧照寺衕衕 井一

萬厯沈志慧照寺有敕建碑 案寺碑言成化閒
僧庭佑得永寧伯譚氏故宅闢為焚修之所

椿樹衕衕

汪家衕衕

藤陰雜記汪文端由敦第在東城十三條衕衕今
名汪家有黼黻宣勤六典持衡 賜額 徐堅餘
冬瑣錄移裝至汪家衕衕英公宅館於檀欒草堂
之歸帆亭

五顯廟

雙柵欄

新太倉衙衙

迤北曰羅刹院曰八寶院井一

裕連院

大廟衙衙

關帝廟俗稱大廟

大廟後 井一

九條灣

小衙衙曰西廠門曰四眼井

船板衙衙 井一

駱駝衙衙 井一

板橋衙衙

八旗通志有之

小局衙衙 井一

財神廟

永寧寺衙衙

八旗通志有之

石雀衙衙 井一

南釣魚臺

瓦叉衙衙 又俗作岔

有福安寺

萬厯沈志寺有敕建碑

右在大市街東東直門街南北小街西其北與

北城界

朝陽門北小街 井二

舊有雲南會館今廢

嘯亭續錄怡親王新府在朝陽門內北小街 采

訪冊澍貝勒府在北小街 謹案怡府今廢見前

貝勒為 宣宗孫孚敬郡王諱奕譞之子舊

為誠貝勒允祁府

東直門南小街

南接朝陽門北小街

東西燒酒衙 井各一

有永豐禪林舊名永豐觀

宸垣識略恆親王府在燒酒衙衙 嘯亭續錄貝

勒弘昌宅公賴布宅俱在燒酒衙衙 采訪冊惇

親王府在燒酒衙衙 謹案恆王諱允祺

聖祖五子諡曰溫弘昌 聖祖孫怡賢親王

之子乾隆間封貝勒後以罪黜復封惇王諱緜愷

仁宗三子諡曰恪無嗣 宣宗以五

子繼之 坊巷衙衙集南居賢坊六牌三十六鋪

有海運倉永豐觀洞陽觀正覺寺福安寺聖姑寺
慧照寺

官房大院

雞爪衙衙

弓匠營

小衙衙井一

北釣魚臺

北水關

花園衙衙井一

迤西曰空府大院

新開路

箭道

南北豆芽菜衙衙

小衙衙曰豆瓣衙衙曰豆背衙衙曰豆身衙衙

舊太倉街

南新倉舊太倉富新倉興平倉在北富新興平兩
倉井各一南新倉井二

宸垣識略多羅恭勤貝勒府在北小街舊太倉南
謹案貝勒諱允祐 聖祖二十二子恭勤

其諡也今府移取鐙衙衙

倉東門

小衚衕井一

扁擔衚衕

入旗通志有之

倉北夾道

王駙馬衚衕

入旗通志作王家衚衕小衚衕井一

蔣家衚衕

嘯亭續錄公弘曉宅在蔣家衚衕

北弓匠營

何家口

東西宋姑娘衚衕

宋或作送

西衚衕北大院井二

龍泉庵

井一

扇子市

口袋衚衕

褲子衚衕

堂子衚衕

鞭子衚衕

入旗通志有之

倉南北夾道

海運倉北新倉在焉

明英宗實錄正統十年五月以在京居賢崇教二坊草場築倉收糧

南水關

右在小街東東直門街南朝陽門街北其北與北城界

京師坊巷志卷四

